

儀飾部一

鹵簿

蓋 轎 轎

附

黃鉞 雲罕

豹尾

鹵簿一

原蔡邕獨斷曰天子出車駕次第謂之南簿有大駕有小駕有法駕大駕則公卿奉引大將軍參乘太僕御屬車八十一乘漢舊儀曰法駕公卿不在鹵簿中河南尹執金吾洛陽令奉引侍中參乘屬車三十六乘鑾旗車皆大夫載漢西都時祀天地於甘泉宮備大駕祀天法駕祀地五郊明堂者十三祀宗廟者九謂之小駕大駕太僕校駕法駕黃門令校駕漢官制度曰長安時出祠天於甘泉用之名曰甘泉鹵簿宋禮志曰甘泉鹵簿者道車五乘游車九乘在乘輿車前又有象車最在前試橋道晉江左駕猶有之司馬遷傳從上上雍注如淳曰遷時從上在鹵簿中也上林賦鼓嚴簿注孟康曰簿鹵簿也又曰襲朝服乘法駕建華旗鳴玉鸞西都賦曰乘鸞輿備法駕西京賦曰大駕幸乎平樂帳甲乙而襲翠被谷永傳曰朝覲法出而後駕陳兵清道而後行漢官志曰太僕卿掌車馬天子每出奏駕上鹵簿用大駕則執馭侍中侍顧問應對法駕出則多識者一人參乘餘皆騎在乘輿車後應劭漢官儀曰大駕鹵簿五營校尉在前名曰填衛又漢官鹵簿圖曰乘輿大駕則御鳳皇車以金根爲副漢輿服志曰諸侯王法駕官屬傳相以下皆備鹵簿又曰輕車洞朱輪輿大駕法駕出射聲校尉司馬吏士載以次屬車在鹵簿中郊天黃門從官四人冠巧士冠在鹵簿中以備宦者四星又曰行祠天郊以法駕祠地明堂省什三祠宗廟尤省謂之小駕每出太僕奉駕上鹵簿中常侍小黃門副尚書主者郎令史副侍御史蘭臺令史副皆執注以督整車騎謂之護駕春秋上陵尤省於小駕直侍尚書一人從其餘令以下皆先行後罷齊志曰江淹議云後漢唯南郊備大駕自北郊以下車駕十省其二晉輿服志曰中朝大駕鹵簿先象車次洛陽亭長赤車淮陽阜黃司南九游武剛雲罕闕戟皮軒鸞旗建華車相風五時車高蓋左畢右罕蓋檉鼓金根車建青旂十二曲華蓋黃鉞車五牛旗大輦五色立車安車建旗十二如車色闕猶耕根車赤旗十二御輅四望衣書藥車豹尾車自豹尾後鹵簿盡矣張敞晉東宮舊事曰皇太子初拜有赤氍毹一石山安車一建九旗青色四馬鹵簿有黃麾大小會庭設三廂樂

舞六佾

北史曰故事刺史奉辭備鹵簿南朝御史中丞建康令皆有鹵簿君臣之通稱

後魏禮志曰太祖

天興二年命禮官採古法制三駕鹵簿一曰大駕設五輅建太常屬車八十一乘平城令代尹司隸校尉丞相奉引太尉陪乘太僕御從輕車介士千乘萬騎魚麗鴈行前驅皮軒闔戟芝蓋雲罕指南後殿豹尾鳴笳唱上下作鼓吹軍戎大祠則設之二曰法駕屬車三十六乘平城令代尹太尉奉引侍中陪乘奉車都尉御巡狩小祠則設之三曰小駕屬車十二乘平城令太僕奉引常侍陪乘奉車郎御遊宴離宮則設之天賜二年初改大駕魚麗鴈行更爲方陣鹵簿列步騎內外爲四重列樹建旌通門四達五色車旗各處其方諸王導從在甲騎內公在幢內侯在步稍內子在刀楯內五品朝臣夾列乘輿前兩廂官卑者先引王公侯子車旒麾蓋信幡及散官襍服一皆絳黑隋禮儀志曰闔猪車其飾如木輅重輞漫輪蚪龍繞轂漢東京鹵簿所謂獵車者也唐儀衛志曰唐制天子居曰衙行曰駕人君舉動必以扇出入則撞鐘庭設樂宮道路有鹵簿鼓吹禮官百司備物而後動大駕鹵簿天子將出大樂令設宮縣之樂於庭侍中奏中嚴有司陳鹵簿諸衛以次陳殿庭旣外辦太僕卿執轡天子乘輿以出天子升路太僕授轡黃門侍郎奏請發鑾駕動警蹕鼓傳音萬年令先導次京兆牧太常卿司徒御史大夫兵部尚書皆乘輅鹵簿如本品五路玉金象革木皆有副車有指南記里鼓白鷺鷩旗辟惡皮軒耕根安車四望羊車黃鉞豹尾及屬車十二乘輿有相風行漏腰輿小輿五牛旗輿輦有大輦方輦小輦以旗計者二十七曰青龍白虎辟邪應龍玉馬三角獸黃龍負圖黃鹿飛麟駃騠鷩鳳飛黃麟角端赤熊兕太平犀牛駿驕驕駟牙蒼烏白狼龍馬金牛衙門旗并黃麾元武幢絳麾孔雀旄毼畢以隊者七曰清游朱雀步甲持鉞元武諸衛馬隊大戟隊以兵計者自金吾果毅攸飛至衙門右左廂凡大駕一千八百三十八人分爲二十四隊列爲二百十四行仗則有黃麾仗細仗儀刀仗叉仗衛則有親勳翊衛散手衛儀物有曲直華蓋六寶香燈大繖雉尾障扇雉尾扇方雉尾扇花蓋小雉尾扇朱畫團扇睥睨之屬戎器有鉞戟弓箭橫刀褱稍細稍鐵甲甲騎具裝銀裝儀刀班劍金裝長刀御刀黃鉞楯積弩黑鍔甲之屬服飾有平巾幘緋兩襦大口袴緋衫紫黃纁朱綠緞綬紛武弁朱衣革帶繡衣青衫赤褙襖黃冒黃袍衫紫誕帶行膝緋袴褶戎服大袍之屬鼓吹有桴鼓金鉦大鼓長鳴鏡鼓歌簫笳大橫吹節鼓笛簫箏篳篥桃皮箏篥小鼓中鳴羽葆鼓大角

之屬凡五部七十五曲警嚴則夜十二曲中三曲五更三遍樂有宮縣裝賓鍾采茨大和回路南向侍中請降路乘輿乃入繖扇侍御警蹕如初皇帝入侍中版奏請解嚴叩鉦將士皆休法駕則屬車減四諸隊四分減一鼓吹威儀皆三分減一小駕車輦隊伍鼓吹各減大駕之半太皇太后皇太后皇后出司仗布侍衛六尚以下詣室奉迎內僕進車問外馭者執轡后乘輿以出華蓋侍衛警蹕內命婦從出門后升車從官皆乘馬內命婦宮人以次從有清游隊旗車有重翟腰褰翟翟翟安四望金根及宮人車儀仗有偏扇圓扇方扇香蹬行障坐障雉尾扇大繖錦花蓋朱畫團扇錦曲蓋錦六柱絳麾黃麾牙門東宮鹵簿皇太子出鹵簿陳於重明門外升車鼓吹振作太傅乘車訓導少傅乘車訓從出延喜門家令先導次率更令詹事太保太傅太師皆輅車備鹵簿車有金路副路輅車四望車腰褰旗有龍旗五色絳引幡赤麾戎器有橫刀儀刀細刀班劍褊稍儀鎗油戟儀鉞旻父弓箭儀物有誕馬繖雉尾扇朱漆團扇紬曲蓋隊有清游隊壓角隊佩弩隊左右廂步隊佩弓箭隊左右廂馬隊佩橫刀騎隊後拒隊司禦衛率府步隊東宮鹵簿六百二十四人分爲九隊列爲三十一行若常行常朝無馬隊鼓吹金路四望車又減隊伍三之一清道儀刀誕馬皆減半乘輅車而已皇太子妃有偏圍方扇行坐障翟車六柱犢車繖大扇曲蓋親王鹵簿有幟弩車輻絳引告止傳教信幡金塗鈎竿儀鉞儀鎗儀稍細稍油戟繖扇曲蓋象路駕四馬一品鹵簿有幟弩車輻誕馬儀刀戟幡繖扇曲蓋革路駕四馬自二品至四品青衣車輛每品減二人二品刀楯弓箭戟稍各減二十三品以下每品減十二品三品革路四品五品木路萬年令亦有清道幟弩騎青衣車輛誕馬輅車一馬內命婦外命婦一品至四品各有鹵簿云宋儀衛志曰凡鹵簿四等大駕法駕駕駕祥符元年改小駕爲鸞駕黃麾仗大駕鹵簿自開寶定通禮之後彌有增益大祀命五使鹵簿使專掌定字圖排列儀仗使糾督之大禮使及餘使同按閱致齋日巡仗凡車路太僕寺主之輦輿繖扇御馬殿中省主之皂纛豫稍十六騎引駕細仗衙門金吾主之槍仗六軍主之六引諸隊大角五牛旗兵部主之寶按門下省掌之鐘漏司天臺掌之鼓吹太常鼓吹局主之旗器名物衣冠寶蓋錦繡等飾朝服法物庫出焉簾弩弓矢戎裝雜仗軍器庫內弓箭庫出焉總大駕鹵簿二萬六十一人法駕三分減一鸞駕又減半兵部黃麾仗又減於鸞駕大駕凡郊祀藉田薦獻玉清景靈宮則用之法駕太山汾陰明堂則用之比於大駕則減太

常御司徒兵部尚書及白鷺崇德等車又減屬車四轡駕朝陵封祀朝謁太清宮奏告玉清宮則用之又減縣令州牧御史大夫指南記里鼓等車法駕用萬一千八十八人鷺駕用七千人三駕之外有兵部黃麾仗用太常鼓吹太僕金玉輅殿中省大輦奉迎凡親征御樓省方還京迎天書聖像六廟上冊則用之大駕六引開封令牧兵部尚書太常卿司徒御史大夫始於金吾肅清游隊朱雀旗隊十六騎仗飛前隊及仗龍旗十二指南等車引駕十二重前部馬隊步甲前隊太常前部鼓吹司天相風行漏等輿持鉞前隊殿中黃麾前部黃麾仗六軍儀仗引駕十六旗龍墀十三旗御馬日月合璧等旗青龍白虎旗隊班劍儀刀隊金吾細仗受命寶殿中繖扇千牛親勲衛翊衛衛等隊夾轂捧日奉宸隊導駕官鳴鞭御馬繖扇腰輿玉輅大輦持鉞後隊金吾大角後部鼓吹黃麾芳亭等輿輦五牛旗輿金象革木輅副五輅耕根車進賢明遠車羊車屬車十二乘黃鉞豹尾後部黃麾仗步甲後部馬隊後隊及仗真武隊大黃龍負圖旗黃龍大神等二十旗大駕鹵簿凡繡文金吾衛以辟邪左右衛以瑞馬驍衛以雕虎屯衛以赤豹武衛以瑞鷹領軍衛以白澤監門衛以獅子千牛衛以犀牛六軍以孔雀樂工以鷺耕根車駕以鳳銜嘉禾進賢車以瑞麟明遠車以對鳳羊車以瑞羊指南車以孔雀記里鼓黃鉞車以對鷺白鷺車以翔鷺鷺旗車以瑞鷺崇德車以辟邪皮軒車以虎屬車以雲鶴豹尾車以立豹相風烏輿以烏五牛旗以五色牛餘皆以寶相花六引繡衣文清道以雲鶴憶弩以辟邪車輻以白澤駕士司徒以瑞馬牧以隼御史大夫以獬豸兵部尚書以虎太常卿以鳳縣令以雉餘悉以寶相花 續文獻通考曰遼故俗便於鞍馬隨水草遷徙則有羶車任載有大車婦人乘馬亦有小車富貴者加之華飾禁制疎濶貴於適用惟帝后加隆焉 又曰金初得遼之儀物既而克宋於是乎有車輅之制熙宗幸燕始用法駕迨至世宗大定十一年將有事於南郊命太常寺檢宋南郊禮鹵簿當用玉輅金輅等項制作乃定班班乎古矣 又曰元初立國庶事草創車輿一從舊俗世祖至元八年始造內外儀仗泰定之世復造象輦象輿英宗親祀太廟復置鹵簿損益唐制定大駕爲三千二百人法駕爲二千五百人又置五輅并五輅以及腰輿象輦始儀文大備 又曰明鹵簿儀仗陳設俱隸兵部車駕司職掌若造作制度則別具工部職掌凡正旦冬至聖節會同錦衣衛陳鹵簿大駕於殿之東西郊祀鹵簿大駕全設前期視牲丹陛駕其祭社稷祭太廟山川鹵簿大駕內

去白澤旗以下等項耕籍田幸太學俱用鹵簿大駕 文獻通考石林葉氏曰大駕儀仗通號鹵簿蔡邕獨斷
已有此名唐人謂鹵櫓也甲楯之別名凡兵衛以甲楯外爲前導捍蔽其先後皆著之簿籍故曰鹵簿

鹵簿二

增漢文帝紀曰奉天子法駕迎代邸 孝文皇帝曰鷩旗在前屬車在後 叔孫通傳注應劭曰月旦出高皇
帝衣冠備法駕名曰游衣冠 後漢紀曰建武十三年四月大司馬吳漢自蜀還京師益州傳送公孫述誓師
郊廟樂器葆車輿輦於是法物始備 儒林傳曰漢明帝行三雍之禮備法物之駕盛清道之儀 晉職官志
曰武帝每出入將軍陳總持白獸幡在乘輿左右鹵簿陳列齊肅 晉公侯贊曰賈后女宣華公主葬皆羽葆
鼓吹熊渠攸飛爲鹵簿 夏統傳曰賈充欲耀以文武鹵簿命建朱旗舉幡校分羽騎爲隊軍伍肅然須臾鼓
吹亂作胡笳長鳴車乘紛錯 晉書曰帝自鄴還洛河間王顥遣張方將三千騎奉迎將渡河橋方又以新乘
陽燧車青蓋三百人爲小鹵簿迎帝至邙山下 又曰王浚都督幽州和演欲殺浚并其衆演與烏丸單于審
登謀之於是與浚期遊薊城南青泉水上薊城內西行有二道演浚各從一道演與浚欲令鹵簿因而圖之值
天暴雨兵器露濕不果而還單于於是與其種人謀曰演圖殺浚事垂克而天卒雨使不得果是天助浚也違
天不祥我不可久與演同乃以謀告浚浚密嚴兵夜與單于圍演演持白幡詣浚浚降遂斬之 隋書曰晉氏
鹵簿御史輅車行中道 晉禮志曰元帝大興中詔左右衛及諸營依大習儀作鴈羽仗 晉載記曰石季龍
常以女騎一千爲鹵簿皆著紫綸巾熟錦袴金銀鏤帶五采織成韉遊於戲馬觀上安詔書五色在水鳳之口
鹿盧迴轉狀若飛翔焉 宋書曰宋劉韞字考文歷湘雍二州刺史令畫工圖鹵簿羽儀常自披翫以示蔡興
宗興宗佯不知指韞所畫形云是誰韞曰是我也其庸如此 齊書曰虞棕選太子右率永明八年大水百官
戎服救太廟棕朱衣乘車鹵簿於門外入行馬內驅入被奏見原 又曰陳顯達建武世心懷不安深自貶退
車乘朽故導從鹵簿皆用羸小 南史曰朱异起宅東陂窮工采麗日來酣飲其中每迫曠黃慮臺門將闔乃
引其鹵簿自宅至城使捉城門停留管籥 又曰呂僧珍爲兗州刺史姊適于氏住市西小屋臨路與列肆雜
僧珍常導從鹵簿到其宅不以爲恥 唐六典曰隋大業初屬車八十一乘三年帝嫵其多問閭毗毗曰此起

於秦遂爲後式宋孝建時議準旂旒之數設十二又令憲章往古大駕依秦法駕依漢小駕依宋帝曰大駕宜三十六法駕宜用十二小駕除之可也唐書曰太宗貞觀元年十一月始加黃鉞車豹尾車通爲屬車十二乘以爲儀仗之用大駕行幸則分前後施於鹵簿之內若大陳設行則分左右施於儀仗之中又曰元宗開元十一年冬祀南郊乘輅而往禮畢騎還由是行幸郊祀皆騎於儀仗之內其五輅要月與陳於鹵簿而已宋志曰太祖皇帝建隆四年將郊祀大禮使范質與鹵簿使張昭儀仗使劉溫叟同詳定大駕鹵簿之制禮儀使陶穀建議金吾及諸衛將軍導駕及押仗舊服紬衣請依開元禮各服本色繡袍舊執仗軍士悉衣五色畫衣隨人數給之有無準式請以五行相生之色爲次黑衣先之青衣次之赤黃白又次之又大駕五輅各有副車近代寢廢請依令文增造又按明宗舊圖導駕三引而儀仗法物人數多周太極鹵簿六引而人數少請準令文用六引其鹵簿各依本品以給從之又曰乾德三年蜀平命右拾遺孫逢吉收僞法物之不中度者悉毀之始令改畫衣爲繡衣至開寶三年而成謂之繡衣鹵簿其後郊祀皆用之軍衛羽儀自是寢盛其後令有司以絹畫爲圖凡三幅中車輅六引及導駕官外兩幅儀衛其瞻場青城又別爲圖圓成以藏祕閣凡仗內自行事官排列執掌并捧日奉宸散手天武外步騎一萬九千一百九十八人此極盛也宋會要曰仁宗景祐五年侍講賈昌朝言儀衛三事一曰南郊鹵簿車駕出宮詣郊廟日執毬杖迎至齋宮唐世以資玩樂宜徹去二曰大駕鹵簿有羊車前列本漢晉乘於後宮遂爲法從宜改革三曰鹵簿儀衛五使略行按閱先後失序名物差互請於致齋前詳視詔禮儀使宋綬與太常禮院同詳定以奏綬等言羊車按劉熙釋名隋禮儀志漢代已有自唐至今著禮令宜仍舊其鹵簿儀仗南郊前五日預閱素隊使之齊肅從之又去誕馬鞍轡用纓輿緋繼幡麾以小篆易隸字六引朱圓扇用雜花大駕用盤龍重定戟鉞小戟重制雉尾扇襍稍父叉又仁宗康定元年宋庠上言車駕行幸非郊廟大禮具陳鹵簿外其常日導從惟前有駕頭後擁繖扇而已殊無前典所載公卿奉引之盛其侍從及百官屬下至廝役皆雜行其道中步輦之後但以親事官百餘人執搥以殿謂之禁衛諸班勁騎頗與乘輿相遠而士庶觀者率隨扈從之人夾道馳走喧呼不禁所過有旗亭市樓垂簾外蔽士民憑高下瞰莫爲嚴憚邏司街使恬不可止威令弛闕玩習爲常非所謂旒頭先驅清道後行之慎也且自黃

後陪細仗大角壯其容憶蓋繖扇備其飾耄老幼稚族觀聚歎向也目熟乎兵革今乃窺文物旂常之美向也耳厭乎金鼓今也聞錫鸞和鈴之音皇哉治世之鉅典華夏之偉觀也竊讀三聖實訓而知藝祖恭儉之德出於天資衣用澣濯器御質素齊官無三服之獻織室罷纂組之工顧於羽衛乃顯設藩飾如此得無意乎蓋恭儉者帝王之盛德也備羽衛者國家之上儀也在漢孝文殿設書囊之帷身以敦朴爲先及其詔令則曰鸞旗在前屬車在後儀物明盛猶可想於千載之下然則聖人所以奉已與華國者固自殊轍也耶是以知藝祖之意有在也列聖繼承制作益詳曰大駕曰法駕曰鸞駕曰黃麾仗或施之躬郊或用之封祀或設之朝覲其多寡有差其先後可序揆厥所元皆自繡衣啓之貽謀垂裕永永無極肆皇帝陛下紹復祖宗之大業迺紹興十有三年築壇南郊共祀天地鹵簿之制實纂乾德至於歲用癸亥則視建隆初郊之歲若合符節夏觀簡冊未之攸聞蓋莫爲於前無以彰異時創業之功莫繼於後無以知中興之治是不可以不特書也

序宋宋綬景祐鹵簿圖記序曰古者黃帝氏創軒冕之容列營衛之帶輿駕儀物蓋本於此唐堯彤車有虞鸞和夏后之綏商人之輅周官有司掌巾車之職虎賁旅賁之從三五之際其所由來尚矣秦并六國兼屬車九九之數漢上甘泉備千乘萬騎之衆自時厥後損益可知歷李唐之艱屯接五代之卑替風流文物蕩然罕餘我藝祖挺神武之姿膺樂推之運靈斷電埽王略載清綿叢示天子之尊黃屋削諸侯之僭始議郊饗即諏典文宰司儒臣討求揚榷補緝漏目崇飾新規扞衛旣雄羽儀兼備初吏士所服皆用畫帛被襲且久汙蟻不鮮乃命易以厚繒加之文繡采絳相錯煥乎一時若繼代相傳洎代國所得於古戾者必褫去其制朴者必增華自是天時報功洛壇拜貺遺老嗟覩舊章頓還二宗繼猷慎守丕則柴泰兆耕東廛篆石仙閣墮牲汾潁順風訪道案歷上陵巡祭便蕃威容震耀羽旄與馬咸慰夫東西人之望焉在昔蔡邕十意首著車服之目范曄緒成其事史官頗續此作其旁記別錄又有董巴徐廣周遷數家中朝江左亦嘗圖鹵簿至道中詔翰林承旨宋白與內侍畫郊丘仗衛絨在祕府景德中資政殿學士王欽若上鹵簿記三卷敕付太史蓋古今之論其詳可得而覩皇上紹庭正統恭己中宸睿德天成而日躋洪化火馳而風偃崇儒嚮學文之經也講兵訓士武之緯也奉先登侑禮之大也度曲接神樂之廣也包文武以居業總禮樂而播憲則清光景鑠可臆度而遽數哉

粵再郊之明年命華光侍臣圖寫大簿是時臣充儀仗使督攝容衛又以太僕奉車承被顧問官府之事得以周知乃與侍讀馮元侍講孫奭議曰前二圖書寫形紀事不相參會蓋象設而又文陳乎由是著為圖記一篇名物夥多但續其居首者非有小異不復重出先標其形制後載其因造有未周盡復具於末篇別依兵部宇圖書橫幅其軸纖悉無漏合丹青而不亂非見聞之異辭天行星陳莫斯為盛嘻夫聖人制情之動防民之踰為之辨貴賤名物之數著陟降進止之節訓之以物則顯之以器數方軫圓蓋以觀法象鏤錫辰旂以昭聲明寢兕持虎以養其威升龍左蠡以副其德天下尊之百官奉之邪心弗萌亂源以消非謂尚文貌之繁矜紛華之飾我后之置圖自正觀古作鑒者其是之謂歟歲在戊寅燔祀有期敕內省副鑒監逮屬艱難常從領護其屬重飾帝車爰及法物並加釐正詢博士之論擇國工之工巧惟藻綯臻夫典美臣又適分使節專職禮儀因念纂編宜益今制而名標天駟事從景祐義則非順理當改為輒取近所修正各附其下他即如舊仍以新改之初元冠其篇題表一王而大居正也薦塵衡石之覽將謹名山之藏庶幾裨中經丙部之餘為官注一家之說耳

警蹕一

增周禮曰夏官隸僕掌蹕宮中之事蹕止行者又曰師氏掌以嫪詔王告王以善道也使其屬帥四夷隸各以其兵服守王之門外且蹕原又曰鄉士各掌其鄉之禁令帥其屬夾道而蹕善道也衛宏漢舊儀曰皇帝起居儀官司馬

內百官所傳按籍而後出入營衛周廬晝夜誰何殿外門屬衛尉殿內郎舍屬光祿勳黃門鈎盾屬少府輦動則左右帷幄者稱警蹕車駕則衛官填街騎士塞路出殿則傳趕止人清道建五旗丞相九卿執兵未引先置索清宮而後往所以重威防未然也 文獻通考曰唐制天子升路太僕卿授綏侍中中書令以下夾侍黃門侍郎前奏請法駕動警蹕鼓傳音黃門侍郎前奏請發鑾駕動警蹕鼓傳音黃門侍郎與贊者夾引而出

警蹕二

增史記曰漢文帝過渭橋有一人橋下走出乘輿馬驚捕屬之廷尉曰縣人來聞蹕聲匿橋下久之出見車騎即走耳廷尉張釋之奏此人犯蹕當罰金 **原**漢書曰梁孝王武實太后少子愛之得賜天子旌旗從千車萬

騎出稱警入言蹕擬於天子 **蹕** 又曰上官桀與燕王詐上書奏霍光道上稱蹕 **原** 又曰長樂宮成皇帝輦

出百官執戟傳警列諸侯王以下 東觀漢記曰鈹期字次況王郎檄書到薊光武趨駕出百姓聚觀遮路不

得行期騎馬奮戟瞋目大呼左右曰蹕衆乃披靡王郎滅期說光武即位帝曰卿欲遂前蹕耶 又曰楊秉諫

桓帝曰王者至尊出入則警蹕而行 續漢書曰建安二十二年命魏王建天子旌旗出警入蹕 蜀志曰許

靖與曹公書云昔營丘翼周仗鉞專征博陸佐漢虎賁警蹕 晉安帝紀云桓元至京都警蹕不絕於音

警蹕三

原 夾道 出殿 俱詳蹕 **罰金** 詐奏 俱詳蹕 更山 掌事 唐書曰太宗克遼東登山而曰 出入

備永 唐書孫伏伽曰出警入蹕 侯景僭位以名 景而言警蹕不祥改爲備蹕 又改爲永蹕

警蹕四

增 賜梁王 命魏王 漢宮執戟 博陸虎賁 俱詳蹕 **原** 叫呼而行 莊子云警蹕叫呼而行世俗之所 不

絕於音 詳蹕

節一

釋 名曰節者號令賞罰之節也 說文曰節信也象相合之形 書曰越小臣諸節 **原** 禮記玉藻曰凡君

召以三節二節以走一節以趨 注云節以明信傳君令 周禮曰掌國貨之節以聯門市 注云貨節謂商本所

外來者按其節書 **增** 又曰地官司市掌市之治教政刑量度禁令凡通貨賄以璽節出入之 又曰地官大

日徒若國有故令無節者不行於天下 **原** 又曰掌節 上士二人掌守邦節而辨其用以輔王命守邦國用玉

節 鄭注云謂諸侯之國中亦自爲節以輔之 守都鄙用角節 公卿大夫王子弟於其采邑

也凡節之制以玉爲之以命數爲大小 守都鄙用角節 有命者亦輔之也角用犀角凡邦國之使節山國

用虎節土國用人節澤國用龍節皆金也以英蕩輔之 山多虎平地多人澤多龍以金爲節鑄象馬必自以其

竹也英蕩畫玉也 門開用符節 乃守關者凡使遠出至於邦國之司若來入由門者司貨賄用璽節 通貨賄非

明以玉器盛飾也 道路用旌節 道路主治五塗之官謂若鄉遂大夫也其以政令及小大皆有期以反節凡

通達於天下者必有節以傳輔之無節者有幾則不達 又曰秋官司行人達天下之六節山國用虎節土國

用人節澤國用龍節皆以金為之道路用旌節門開用符節都鄙用管節皆以竹為之注符掌節畿內也此邦國之節虎人龍二者諸

侯使臣所執旌符皆在國所用小行人達諸侯國亦如大行人達瑞節管節如今之竹使符又曰野廬氏掌達道路凡有節者至則為之辟注修

閭氏唯執節者不幾又曰掌交掌以節巡邦國又曰地官調人凡和難弗辟則與之瑞節而以執之注瑞節則

主也和之而不肯辟者不從王命也王以刺圭使調人執之又曰春官典瑞注珍圭牙璋穀圭琬圭琰圭王使之瑞節也人節虎節諸侯

使人之瑞節也又曰秋官大行人王之所以撫萬邦諸侯者十有一歲達瑞節同度量周語內史過曰為

車服旗章以旌之擘幣瑞節以鎮之班爵貴賤以列之令聞嘉譽以聲之晉禮志曰漢魏故事遣將出征符

節郎授節鉞於朝堂其後荀顗等所定新禮遣將御臨軒尚書授節鉞依古兵書跪而推轂之義也晉令曰

使信節皆為書之隋天文志曰畢南八星曰天節使臣所持也天文要集曰天節星主奉使小而明則使

中正唐六典曰漢因秦置符節令丞屬少府又曰周有掌節之職漢有符節之令後漢符節令位次御史

中丞別為一臺令一人為臺率屬少府眭孟張敬蔡衍為之又曰晉武帝泰始元年置符節御史又曰北

齊御史臺領符節署又曰旌節之制命大將帥及遣使于四方則請而假之旌以顯賞以顯殺唐百官

志曰符寶郎凡命將遣使皆請旌節有主節節度使辭日賜雙旌雙節行則建節植六纛入境州縣築節樓迎

以鼓角罷秩則鑲節樓節堂以節院使主之唐三朝志曰旌節唐天寶中置凡命節度使有司給門旗二旌

一節一麾槍二豹尾二金節隋制也黑漆竿上施圓盤周綴紅綵拂八層黃繡龍袋籠之王公以下皆有節制

同金節韜以碧油韓文曰旌節有韜豹尾神旗素纛戟纛令狐楚曰旌惟進善節以詰姦柳宗元平淮

夷雅曰金節煌煌賜盾雕戈犀甲熊旂威命是荷

第二

原左傳曰宋襄夫人殺襄公之孫孔叔公孫鍾離及大司馬公子印皆昭公之黨也司馬握節以死司城蕩意

諸來奔效節於府人而出注又曰秦西乞術來聘曰不腆先君之敝器致諸執事以為瑞節公羊傳曰齊

景公謂陳乞曰吾欲立舍何如陳乞曰君欲立請立之陽生謂乞曰聞子將不立我也陳乞曰夫千乘之主將

廢正而立不正必殺正者吾不立子者所以生也與之玉節而走之原呂氏春秋曰墨者田鳩欲見秦惠王

留三年而不得見客有言之於楚王乃往見楚王王悅之與將軍之節以如秦至而得見出而告人曰吾不識秦之道乃當由楚也物固有近之而遠遠之而近

書

史記曰漢呂太后崩諸呂欲爲亂平陽侯密馳告陳平

周勃勃欲入北軍不得乃令襄平侯紀通持節矯納勃北軍復令酈寄語呂祿解印以兵授勃 又曰袁盎使

吳吳王囚之盎解節毛懷之遂歸報吳楚已破 漢書曰太尉周勃以一節入北軍一呼士皆袒左爲劉氏

原又曰劉章已殺呂產帝令謁者持節勞章章欲奪節謁者不肯章乃從與載因節信馳斬長樂衛尉呂更始

還入北軍復報大尉勃勃起拜賀章曰所患獨產今已誅天下定矣 **書**又曰吳王反周丘者下邳人亡命於

吳醢酒無行王薄不任周丘乃上說王曰臣以無能不得待罪行間臣非敢求有所將也願請王以一漢節必

有以報王乃與之周丘得節夜持入下邳至傳舍召令斬之遂召昆弟所善豪吏一夜得三萬人 又曰眭弘

武帝時爲符節令 又曰漢汲黯以便宜持節發河內倉粟 又曰漢司馬相如建節往使 **原**又曰戾太子

誅江充初漢節純赤以太子持赤節故更爲黃旄加上以相別 **書**荀悅漢記曰征和二年長安擾亂言太子

反任安受太子節懷二心腰斬 漢武內傳曰西王母降殿前有五十大仙童執綵旄之節 又漢書曰武帝

天漢中東方盜賊滋起攻城邑取庫兵釋死罪殺二千石道路不通上乃使光祿大夫范昆故九卿張德等衣

繡衣持節發兵以興擊 **原**又曰蘇武使匈奴單于欲降之幽武置大窖中絕飲食天雨雪武臥齧雪與旃毛

并咽之數日不死匈奴以爲神乃徙武北海無人處使牧羊武仗漢節牧羊臥起操持節節毛盡落積五六

年 又曰建元三年閭越舉兵圍東甌東甌告急上遣嚴助以節發兵會稽會稽太守欲不爲發兵助乃斬一

司馬遂發兵浮海救東甌 又曰張騫使月氏匈奴得之留騫十餘歲與妻有子然騫持漢節不失 又曰諸

葛豐琅邪人爲司隸校尉侍中許章以外屬貴幸奢淫賓客犯事與章相連豐適逢許侍中私出駐車舉節款

收之章馳入宮門自歸於上豐亦上奏於是收豐節司隸去節自豐始 又曰漢使王烏等窺匈奴匈奴法漢

使不去節不以墨黥其面不得入穹廬王烏北地人習胡俗去其節黥面入穹廬單于愛之 **書**又曰漢昭帝

始元元年遣王平等五人持節行郡國 又曰漢宣帝本始元年遣使者持節詔郡國二千石謹牧養民而風

德化 又曰王莽篡位使尚書勅司命孔仁乘乾車駕坤馬左蒼龍右白虎前朱雀後元武右仗威節左負威

斗號曰赤皇非以驕仁乃以尊新室之威命也仁擅免天文冠大不敬有詔勿劾更易新冠 續漢書曰光武行大司馬事持節北渡河 又曰鮑永爲更始大將將兵安集河東赤眉殺更始三輔道絕世祖即位遣諫議

大夫儲大伯持節徵永疑爲不審收繫大伯封節傳舍壁中遣人持至長安知更始審亡乃發喪出降 又曰

溫序字次房遷護羌校尉爲隗囂別將荀宇所拘劫序素氣力大怒叱宇等曰汝何敢迫脅漢將以節搃殺數

人宇曰此義士可賜以劍序受劍銜鬚於口顧左右曰旣爲賊所迫殺無令鬚汚血遂伏劍而死 原東觀漢記

曰光武使吳漢收謝躬令岑彭助漢爲方略上以常所自持節授岑彭 又曰郭丹爲更始諫議大夫持節

使南陽安集受降更始敗丹無所歸節傳以敝布纏裹節解節夜行求謁更始妻子奉還節傳因歸鄉里 又

曰永平中遣鄭衆使北匈奴衆因上書言臣前奉使不爲匈奴拜單于恚恨放兵圍臣今復銜命必陵折臣臣

誠不忍將大漢節對瓊裘拜如令匈奴遂能服臣將有損大漢之強上不聽衆不得已旣行後果爲匈奴所殺

獻帝春秋曰太傅馬日磾假節巡撫州郡袁術在壽春借節觀之因奪不還日磾失節憂恚而卒 後漢書

曰董卓謂袁紹曰劉氏種不足復遺紹勃然曰天下健者豈惟董公橫刀長揖徑出懸節於上東門而奔冀州

晉書曰鎮北將軍劉靜卒朝廷以許允代靜已受節傳出止外舍大將軍與允書曰鎮北雖少事而都典

一方念足下震華鼓建朱節歷本州此所謂著繡畫行也允心甚悅 又曰桓範黃初中爲洛陽典農中郎將

使持節都督青徐諸軍事至下邳與徐州刺史鄒岐爭屋引節欲斬岐爲岐奏坐免 吳書曰婁圭字子伯初

依劉表後歸曹公向荊州表子琮降以節迎曹公諸將皆疑曹公以問子伯子曰天下擾攘皆貪王命以自

重今以節來至誠公善之 晉書曰晉武帝伐吳杜預進攻江陵克之於是沅湘以南接於交廣州郡皆望風

送上印綬預仗節稱詔而撫綏之遂指授羣帥徑造建業吳主皓降 又曰石苞還徐州刺史文帝之敗於東

關也苞獨全軍而返帝指所持節謂苞曰恨不以此節授卿以究大事 又曰京師危逼王澄率衆將赴國難

而飄其節柱 又曰晉江州都督何無忌討徐道覆遇於豫章賊令強弩數百登山邀射乘風暴急以大艦逼

之衆遂奔潰無忌厲聲曰取我蘇武節來節至執以督戰賊衆雲集遂握節而死謚忠肅 又曰段匹磾降石

勒常著朝服持晉節勒亦不問 晉永昌起居注曰元帝使司空王導拒王敦詔曰以我征東時節給司空

制盈頁

儀飾部 節

又晉書曰陶侃討蘇峻王導出奔峻平導入石頭城令取故節侃笑曰蘇武節似不如是導有慙色 梁書曰
車獻攻魏小峴城未拔城中忽出數百人陣於門外獻欲擊之諸將遲疑獻指其節曰朝廷授此非以為飾車
獻之法不可犯也乃進兵敗魏兵急攻其城中宿而拔 唐書曰穎王璲為劍南節度大使時元宗將幸蜀璲
赴藩卒遽不遑受節或設假太槩油囊蒙之璲曰但為真王何用別節 宋史曰紹興三年賜劉光世兩鎮節
度使印及別賜寧國軍旌節 又曰紹興三十二年孝宗詔藩邸旌節迎詣天章閣安奉

節三

省明信 發兵上詳節一 八尺 三重 後漢書注曰旌尾為信以竹為 輔王命 建軍威上詳節一
田邑書曰今以一節之竹麓牛之尾哉 尚黑色 加黃旄 秦始皇推始終五德之運以為水德之始本
威豈特寵以八節之竹麓牛之尾哉 晉中興書曰王機廣州人逐刺史郭詡迎機為刺史與
岑彭 仗蘇武節二 劉章奪 王機求 上詳節二 晉中興書曰王機廣州人逐刺史郭詡迎機為刺史與

可遣兵來取 錦車持 敝布纏 漢書西域傳曰初楚王使者馮嫪能史書習事將漢節為公主使居相愛
之機應而止 鄧吉使馮夫人說烏就居以漢兵方出必見滅不如降焉就居諸戰司馬懿赤谷城立元實靡為大昆彌烏
印綬下詳節一 增辛毗制軍 荀彧斬弟 懿怒上表請戰魏主獻使衛尉司馬懿赤谷城立元實靡為大昆彌烏
謂亮曰賊不復出矣亮曰彼本無戰情所以因請者以示武於眾耳後亮挑戰懿不能得已乃素服哭之曰斬
弟者苟道將也 刺史從弟為軍將犯法當死晞仗節斬之從母叩頭流血請之不能得已乃素服哭之曰斬

節四

增虎人龍 旌符管 五角璽 俱詳 原行道所執 周禮鄭注云節信也使卿大夫聘 以減蠻獠 俗說云殷
無忌參軍何焉殷曰題子敢爾取節來殷猶傲然謂何曰朝 握節以死 忌俱詳 命取故節 詳節
廷拔將軍三千歲卒杖疎節以減蠻獠寧令安自尊大耶 朝 握節以死 忌俱詳 命取故節 詳節

何可獨拔機還遇王機於道機勸取交州安素有意乃執機節曰當相與送持 命取故節 詳節
節烈戰於安州大敗亡其所持節 便宜發粟 二 轉取投火 唐李晟拔復京城米此亡走至涇州其黨田
還汝節此眾大哭北走其將韓取斬此以降 原封節置塞上 漢書南越傳云韓千秋等滅之使人函封漢使節置塞上
懸節於東門 詳節 增仗節造建業 授節拔峴城 俱詳

節五

增詩唐杜甫詩曰主恩前後三持節軍令分明數舉杯 又曰崆峒使節上青霄 李白詩曰十年持漢節

原表梁元帝遷荊州輸江州節表曰周有掌節之職漢有符節之令所以子孫懷慨忠肅勤王無絕終古有高前載臣自擁麾鶴塞執茲龍節幸逢銀山自溢玉燭調年雖免茂弘之譏竟微辛毗之勇

增記唐劉三復滑州節堂記曰受脈之日掌節者以王命傳信俾先啓行至則考善地庇豐屋麾旆以翼之歌鐘以樂之非征伐宴犒申威行令未嘗出

黃鉞一

原說文曰鉞大斧也本作戊夏執元戊殷執白戚周左杖黃鉞右把白旄 尚書曰王左杖黃鉞右秉白旄以麾 **增**禮記曰賜鉞鉞然後殺 又曰軍旅鉞鉞者先王之所以飾怒也 淮南子曰國有難名將詔之曰社

稷之命在將軍身今國有難願子將而應之將軍受命乃令祝史太卜齋三日之太廟鑽靈龜卜吉日以授旗鼓君入廟門西面將趨至堂下北面立王親操鉞持頭授將軍柄曰從此上至天者將軍制之又復操斧持頭授將軍柄曰從此下至淵者將軍制之 晉輿服志曰中朝大駕鹵簿中有黃鉞車 **原**傳元三都賦曰建黃

鉞以禦姦 **增**唐儀衛志曰乾德儀仗名物屬車十二有黃鉞豹尾車 又輿服志曰鉞黃帝所造塗以黃金

行則載以車可以斬戮 唐六典崔豹古今注曰金斧黃鉞鐵斧元鉞三代通用之以斷斬今以黃鉞爲乘輿

之飾元鉞諸王公得建之武王以黃鉞斷紂頭故王者以爲戒太公以元鉞斬妲己故婦人以爲戒漢制諸公

建元鉞以太公助武王斷斬故爲諸公之飾大將出征特加黃鉞以銅爲之黃金塗刃及柄不得純金也 徐

爰釋疑略注曰豹尾黃鉞金釘舊載馬車晉江左乘馬執之宋元嘉中復舊典 文獻通考曰黃鉞車唐備於

大駕鹵簿天寶初改爲金鉞車宋制赤質曲轡中設金鉞錦囊綢杠左武衛隊正一人在車中執鉞

黃鉞二

增周書曰武王陳師牧野旣誓以馳商師大崩商辛自燔於火王斬之以黃鉞懸諸大白 **原**淮南子曰至精

之感無所不通昔武王渡孟津而陽侯之波逆流而擊疾風晦冥武王舉黃鉞瞋目而麾之曰予在天下誰敢

害吾意者於是風去而波罷遂得濟 吳錄曰假陸遜黃鉞吳王親執鞭以見之 世說曰諸葛亮之次渭濱

也關中震動魏明帝深懼晉宣王戰乃遣辛毗爲軍司馬宣王既與亮對渭而陳亮說誘詭譎萬方宣王果大

忿憤將應以重兵亮遣間諜覘之還曰有一老夫毅然仗黃鉞當軍門立軍不得出亮曰必辛佐治也 **增**晉

公卿禮秩曰太尉賈充河間王顥梁王彤司徒王衍汝南王亮太傅楊駿東海王越義陽王望齊王攸琅邪王

佃東平公苟晞皆假黃鉞 晉書曰石勒王彌寇京師以王衍都督征諸郡持節假黃鉞以伐之 **原**晉中興

書曰會稽王道子進位丞相牧揚州假黃鉞 **增**齊書曰高帝輔政王儉議加黃鉞任遐曰此大事應報褚公

也 **考**回 帝曰褚脫不與卿將何計遐曰考回保妻子愛性命非有奇才異節遐能制之果無違異

黃鉞三

原元成 白威 **俱詳黃** **增**金刃 錦囊 禦姦 飾怒 鹵簿車 乘輿飾 **俱詳黃** **原**管仲執 王尋亡

周王烈曰管仲執齊鉞 漢書王莽傳曰司徒王尋初發長安宿羈 昌廢亡其黃鉞尋士房揚素狂直乃哭曰此經所謂喪其資斧者也

黃鉞四

原行天罰 **楚辭**曰后辛之菹醢兮殷宗用之不長注言紂無道殺 喪資斧 **詳黃** 標以授將軍 **詳黃** 負以

狗諸侯 **左傳**曰楚子將戮慶封負之斧鉞以狗於諸侯使言曰無或如齊慶封弑其君弱 其孤以盟其大夫封反曰無或如楚共王之子圍殺其君之子而自立以盟諸侯

黃鉞五

增銘 漢蔡邕黃鉞銘曰孝桓之季年鮮卑入塞盜起匈奴左部梁州叛羌逼迫兵誅淫衍東夷高句麗副子百

固逆謀並發三垂騷然爲國憂念西府表橋公昔在涼州柔遠能邇不煩軍師而車師克定及在上谷漢陽連

在營郡督力方剛明集士衆徵拜度遼將軍始受旋鉞鉦鼓之任扞禦三垂公以吏士頻年在外勤於奔命人

馬疲羸撓鈍請且息州營橫發之役以補困憊朝廷許之於是儲廩豐饒室罄不懸人逸馬畜弓勁矢利而經

用省息官有餘資執事無放散之尤簿書有進入之贏治兵示威戎士踊躍旌旗耀日金鼓雷奮守有山嶽之

固攻有必克之勢羌戎授首於西疆百固冰散於東隣鮮卑收迹烽燧不舉視事三年馬不帶缺弓不收疆是

用鑊石作茲鉦鉞軍鼓陳之東階以昭公文武之勛焉銘曰帝命將軍秉茲黃鉞威靈振耀如火之烈公之在

五